

# ÖLGERÐIN EGILL SKALLAGRÍMSSON HF.


UFS EINKUNN **85 / B1**

A1-A3	<b>B1-B3</b>	C1-C3	D
Framúrskarandi	<b>Gott</b>	Miðlungs	Slakt


## UFS NIÐURSTÖÐUR

NIÐURSTÖÐUR	Vægi	Stig	Einkunn
Heildareinkunn	100%	85	B1
Umhverfisþættir	39.5%	88	A3
E.1 Visthagkvæmni	20%	94	A2
E.2 Umhverfisstjórnun	13.5%	94	A2
E.3 Vörur og þjónusta	6%	50	C1
Félagsþættir	30%	87	A3
S.1 Vinnuumhverfi	7%	84	B1
S.2 Velferð starfsfólks og viðskiptaánægja	19%	93	A2
S.3 Vörur og þjónusta	4%	65	B3
Stjórnarþættir	30.5%	80	B1
G.1 Almennir stjórnarþættir	10%	85	B1
G.2 Starfsþættir og aðfangakeðja	20.5%	77	B2

## UFS EINKUNN



## UFS EINKUNNADREIFING



## STUTT SAMANTEKT Á NIÐURSTÖÐUM

Ölgerðin endar með 85 stig af 100 mögulegum í UFS mati Reitunar, flokkur B1. Félagið hefur lagt áherslu á sjálfbærni til lengri tíma og stendur framarlega á íslenskum markaði hvað varðar sjálfbærni. Ölgerðin hefur tekið framsækin skref í sjálfbærni hvað varðar fjárfestingar og hvata til stjórnenda. Ölgerðin vinnur markvisst að því að draga úr losun frá heildarstarfsemi og hefur sett sér metnaðarfull markmið byggð á vísindalegum grunni (SBTi) ásamt því að stefnt er á kolefnishlutleysi frá á öllum rekstri (Net-Zero) árið 2040. Til að ná markmiðum er stjórn og stjórnendur virk þegar kemur að sjálfbærnimálum og sjálfbærniuppgjör er nú hluti af ársfjórðungsuppgjöri sem er kynnt fjárfestum og stjórn. Framkvæmdastjórn og lykilstjórnendur starfa eftir kaupaukakerfi tengt sjálfbærnimælikvörðum félagsins en þess háttar hvatakerfi er ekki algengt á íslenskum markaði og einnig fylgjast stjórnendur með ýmsum sjálfbærnimælikvörðum í sjálfbærnimælaborði. Ölgerðin hefur farið í umhverfsvænar fjárfestingar sem hafa sumar hverjar haft bein jákvæð áhrif á umhverfisáhrif félagsins, t.a.m. notkun á rafmagnsgufukatli, fjárfesting í rafvöruflugningabil ásamt því að höfuðstöðvar félagsins hafa hlotið Leed Gold umhverfsvottun. Einnig er árlega framkvæmt loftslagstengt áhættumat á rekstrinum í samræmi við kröfur TCFD sem er styrkur fyrir umhverfismgjörðina. Hugað er vel að félagsþáttum félagsins þar sem umgjörð fyrir heilsu- og öryggismál, jafnréttismál og fræðslu eru metin vera framúrskarandi. Hjá félaginu starfar starfsfólk með fjölbreyttan bakgrunn í fjölbreyttum störfum en mikil áhersla er lögð á jafnrétti og því til stuðnings hefur félagið gert heildstæð úttekt á vinnustaðnum með tilliti til jafnréttis og fjölbreytileika á vinnustaðnum. Ölgerðin greinir fræðsluþörf starfsfólks reglulega, lagt er upp með að þróa starfsfólk í starfi og með því er starfsfólk hvatt til að heimsækja og prófa önnur störf innan starfseminnar. Starfsánægja hefur mælst há til lengri tíma sem styður við góða umgjörð félagsins hvað varðar mannauð. Einnig eru gerðar mælingar á viðskiptaánægju, en félagið hefur undanfarin ár ekki náð settum markmiðum hvað hana varðar. Félagið heldur áfram að leggja sitt af mörkum til að hafa jákvæð áhrif á lýðheilsu og samfélagið í heild sinni með styrkjum, stuðningi og vöruþróun en liður í því er að fjölga úrvali á hollari drykkjarvörum og áfengislausla bjóra. Breytingar hafa orðið á almennum stjórnarháttum eftir skráningu félagsins á markað, en helst má nefna að nú er meirihluti stjórnarmanna óháðir sem er jákvætt. Siðareglur félagsins eru opinberar og samþykki starfsfólks er til staðar á reglunum. Ölgerðin starfar með fjölda birgja og gerir birgjamat á þeim sem hafa ekki farið í gegnum birgjamat hjá Pepsi co. en Ölgerðin stefnir að því að formfesta umgjörð hvað varðar aðfangakeðju enn frekar. Heilt yfir stendur Ölgerðin mjög vel að sjálfbærnimálum og vinnur vel að því að lágmarka sjálfbærniáhættu starfseminnar.

## SAMANBURÐUR VIÐ ÍSLENSKA ÚTGEFENDUR

Ölgerðin er fyrir ofan meðaltal í öllum flokkum í samanburði við aðra innlenda útgefendur sem hafa farið í gegnum UFS mat hjá Reitun en þau eru um 40 talsins. Meðaltal markaðarins sýnir heildareinkunn sem er nú 72 stig af 100 mögulegum, flokkur B2.

## Fyrirvarar

Við gerð þessarar greiningar og mats á umhverfis- og félagsþáttum og stjórnarháttum (UFS), er gengið út frá því að þau gögn og upplýsingar sem Reitun hefur fengið aðgang að til skoðunar séu sannleikanum samkvæmt og ekki liggja fyrir frekari gögn. Hafi Reitun fengið afhent ljósrit af skjölum gengur Reitun út frá því að þau séu í samræmi við frumrit viðkomandi skjala og ekki hafi verið gerðir neindir viðaukar eða breytingar á þeim eftir á. Þá er gengið út frá því að allar undirritanir á skjöl og samninga sem Reitun hefur fengið aðgang að séu réttar og skuldbindandi fyrir félagið.

Þær skoðanir og spár sem hér koma fram eru byggðar á almennum upplýsingum og mögulega trúnaðarupplýsingum sem Reitun hefur undir höndum þegar matið er ritað. Helstu heimildir eru ársskýrslur og ýmis gögn frá þeim aðila sem verið er að meta, spurningalistar, samtöl og fundir auk aðgengilegra opinberra upplýsinga sem birst hafa í fjölmiðlum og á öðrum vettvangi sem félagið telur áreiðanlegar. Reitun ábyrgist þó ekki áreiðanleika eða nákvæmni upplýsinganna og ber enga ábyrgð á áreiðanleika upplýsingaveitna sem stuðst er við. Upplýsingar í umfjöllun eru einungis birtar í upplýsingarskyni og þær ber ekki að skoða sem tilboð á neinn hátt og þær skulu ekki nýttar á þeirri forsendu að um sé að ræða ráðleggingar vegna fjárfestinga í fjármálagerningum. Fjárfestar eru eindregið hvattir til að afla sér sjálfstæðra ráðlegginga eigin ráðgjafa áður en fjárfest er í fjármálagerningum, s.s. vegna lagalegrar eða skattalegrar stöðu sinnar. Reitun og starfsfólk Reitunar bera ekki ábyrgð á viðskiptum sem byggð eru á þeim upplýsingum og skoðunum sem hér eru settar fram

Þrátt fyrir að þess sé sérstaklega gætt að upplýsingarnar séu réttar og nákvæmar þegar þær eru settar fram getur Reitun, eða starfsmenn Reitunar, ekki borið ábyrgð á villum. Mat á upplýsingum endurspeglar skoðanir Reitunar á þeim degi sem þær eru settar fram, en þær geta breyst án fyrirvara. Hvorki Reitun né stjórnendur eða starfsmenn félagsins bera ábyrgð á beinu eða óbeinu tjóni sem hlýst af upplýsingum sem finna má í þessu mati eða dreifingu slíkra upplýsinga.

Sérstök athygli er vakin á því að áætlanir og spár geta breyst fyrirvaralaust á jákvæðan eða neikvæðan hátt og eru háðar utanaðkomandi óvissu og breytum sem gjarnan eru ekki á valdi Reitunar. Reitun og starfsmenn félagsins taka ekki ábyrgð á því ef að UFS mat einstakra útgefanda sem félagið hefur metið og gefið einkunn á breytist. Reitun ábyrgist ekki að gera breytingar á þeim upplýsingum sem birtar eru í skýrslunni ef forsendur þeirra breytast eða ef í ljós kemur að þær eru rangar eða ónákvæmar.

Reitun, starfsmenn Reitunar, stjórnarmenn eða aðilar tengdir Reitun kunna að eiga hagsmuna að gæta varðandi einstök félög sem greiningar, verðmatsskýrslur og annað útgáfuefni Reitunar lýtur að hverju sinni. Hagsmunir kunna að vera ýmsir t.d. sem hluthafar eða ráðgjafar, eða hagsmunir sem lúta að annarri veittri þjónustu. Möguleiki er á að útgefandi verðbréfa sem metin eru greiðir Reitun fyrir þá þjónustu. Öll greiningarvinna eru engu að síður unnin sjálfstætt af Reitun.

Reitun á allan höfundarrétt að upplýsingum í skýrslunni. Óheimilt er með öllu að dreifa þeim upplýsingum sem finna má í matinu eða nýta þær með öðrum hætti án heimildar Reituna